

Թուս. Սոց.—Դեմ. կուսակցութեանը պատկանելու հետ: Բայց մի անգամ որ «հաւատաց», այլևս ճարպիկ ձեռքով սկսեց անցկացնել նոր ծրագիրը:

Մայիս 22-ին Ժորղանիան վերադարձաւ Թիֆլիս: «Գերման-վրացական» աշխատանքը ամբողջ թափով ընթանում էր «անդրկովկասեան-թրքական» աշխատանքին զուգընթաց*):

Նոյն Աւալովը այդ օրերի դէպքերը հետեւեալ ձևով է արձանագրում իր յուշատետրի մէջ.

«Բաթում, 21 մայիս 1918. — Առաւօտեան Ն. Ժորղանիայի և Նիկոլածէի հետ քննում ենք քարտէզի վրա մեզ անհրաժեշտ սահմանները, ծայրայեղ դէպքում պատրաստ ենք «տալու» Ջաքաթայայի շրջանը: Յօգուտ Ագրեջանի սահմանային ուրիշ օրէ է սրբազրութիւն չենք անի: Թիւրքերը դանակը կոկորդներին դրած՝ պահանջներ են անում, բայց Ախալցխան, Խերթվիսը Վրաստանին պէտք է մնան:

Յերեկը՝ խորհրդակցութիւն վրացիների ու թաթարների միջև սահմանների մասին: Մի կողմից՝ Նիկոլածէ, Ժորղանիա, Սուրբուլածէ և ես. միւս կողմից՝ Խան-Խոյսիկի, Խամամեդով, Սաֆիբիւրդսիկի, Պեպինով, Ուսուպրէզով, Ջաֆարով: Հայերը հրաժարել են Գանձակի նահանգի մասերից (Ղարաբաղ), իսկ մահմետականները... համաձայն են կազմել Անդրկովկասում առանձին հայկական կանտոն (օրինակ, դեմսուռյական «Ալեքսանդրապոլի նահանգ»-ի ձևով): Մեղանից էլ ուզում են գրաւել Սրղնախ, Թիֆլիս և Բորչալու դաւառների մասերը, բայց համաձայնութիւնը հնարաւոր է. նրանք կը գիջեն: Ախալցխայի խնդրի առթիւ Պեպինովը առաջ է քաշում ինքնորոշման պահաջը (հասկանալով կցումը Թիւրքիային):

Ընդհանուր առմամբ, մեր բարեկամ մահմետականները հաւատացնում են, որ ամէն կերպ պաշտպանելու են «երեւակ» Անդրկովկասը. բայց, ասում են, ի՞նչ անել, եթէ Թիւրքերը չհրաժարեն իրենց պահանջներից, և ծրագրող «կանտոններից» մէկը բացակայի: Նրանց փափաքն է, այդ դէպքում, պահպանել Անդրկովկասը դէթ որպէս «երկեակ միութիւն»:

«Մայիս 22. — Աչքի առաջ ունենալով «Անդրկովկասին սպառնացող վտուգումը՝ վճռական խորհրդակցութիւն եղաւ Վրաստանի անկախութիւնը յայտարարելու անհրաժեշտութեան մասին: Ծրագիրն այն է, որի մասին վաղուց ի վեր, իբրև «խորհրդական», պնդում եմ այստեղ և որին Չխենկելին և ուրիշները համաձայն են: Վրաստանի անկախութիւնն ու հողային ամբողջութիւնը երաշխաւորւում է Գերմանիայի կողմից: Արևելեան Անդրկովկասը ստանում է գործելու ազատութիւն և կազմակերպւում է Թիւրքերի օգնութեամբ: Հայերն էլ պարտաւորւած պիտի լինեն յայտարարել իրենց անկախութիւնը...»

Գրեցի Վրաստանի անկախութեան յայտարարութեան նախագիծը — ժամանակն է ճշտորոշել, գործել: Չխենկելին, Նիկոլածէն, Ժորղանիան, Սուրբուլածէն հաւանութիւն տւին: Ժորղանիան այդ նախագիծն իր հետ տարաւ Թիֆլիս: Մնաւ բարովի ժամանակ մենք առանձնապէս սեղմում էինք նրա ձեռքերը: Նա ստիպւած պիտի լինի բեմադրել մի շատ լուրջ թատերախաղ: Մտածեցէ՛ք միայն զանազան կազմակերպութիւնների, խորհուրդների և է՛լ աւելի թանձր նախապաշարումների մեծութեան մասին: Բայց նա, երեւի, արդէն նախապատրաստել է վերջին գործողութիւնը. մնում է քաշել թելը»:

*) 3. Авалов. «Независимость Грузии в международной политикѣ» 1918—21 г. Парижъ, 1924 г., стр. 5.